

სახელმწიფო შესყიდვის შესახებ ხელშეკრულება N 22/12/02/67

(საპროექტო-სახარჯთაღრიცხვო დოკუმენტაციის მომზადების შესახებ)

CPV: 71320000 - საინჟინრო-საპროექტო მომსახურება

ქ.თბილისი

25 ივნისი, 2012 წელი

ერთის მხრივ, სსიპ ქალაქ თბილისის N61 საჯარო სკოლა (შემდგომში „შემსყიდველი“), წარმოდგენილი დირექტორის შორენა ღუდუშაურის სახით და მეორეს მხრივ, სსიპ „საგანმანათლებლო და სამეცნიერო ინფრასტრუქტურის განვითარების სააგენტო“ (შემდგომში „მიმწოდებელი“) წარმოდგენილი დირექტორის მოადგილის თეიმურაზ მაჩაიძის სახით, ვხელმძღვანელობთ რა „ზოგადი განათლების შესახებ“ საქართველოს კანონის 26-ე მუხლის 1-ლი პუნქტის „ტ“ ქვეპუნქტის, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს1“ ქვეპუნქტის, საქართველოს განათლებისა და მეცნიერების მინისტრის 2012 წლის 29 მარტის N73\N ბრძანების საფუძველზე, სსიპ ქალაქ თბილისის N61 საჯარო სკოლის 2012 წლის 14 მაისის N4-206 (N03-1\2133 14.05.2012წ.) წერილის გათვალისწინებით, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1. ხელშეკრულების ობიექტია მიმწოდებლის მიერ სსიპ ქალაქ თბილისის N61 საჯარო სკოლის საპროექტო-სახარჯთაღრიცხვო დოკუმენტაციის მომზადება.
2. ხელშეკრულების საგანია შემსყიდველი ორგანიზაციის მიერ ხელშეკრულების 1-ლი მუხლის 1-ლი პუნქტით გაწეული მომსახურების შესყიდვა, ხელშეკრულების პირობების შესაბამისად, გამარტივებული შესყიდვის საშუალებით.

მუხლი 2. ხელშეკრულების ღირებულება

1. შესყიდვის ობიექტის ფასი განისაზღვრება ლარებში.
2. ხელშეკრულების ღირებულება შეადგენს 5500 (ხუთიათასხუთასი) ლარს დღგ-სა და ყველა სხვა გადასახადის ჩათვლით.
3. ხელშეკრულების ღირებულება შესაძლებელია შემცირდეს ფაქტობრივად გაწეული მომსახურების შესაბამისად.

მუხლი 3. შესყიდვის ობიექტის ხარისხი და გარანტია

მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველი ორგანიზაციის მოთხოვნებს.

მუხლი 4. შესყიდვის ობიექტის მიწოდების ვადები

მომსახურების გაწევის ვადა განისაზღვრება 2012 წლის 25 ივნისიდან 2012 წლის 09 ივლისის ჩათვლით.

მუხლი 5. შესყიდვის ობიექტის მიღება-ჩაბარების წესი

1. შესყიდვის ობიექტის მიღება ფორმდება მიღება-ჩაბარების აქტის გაფორმების გზით, რაც დასტურდება შემსყიდველისა და მიმწოდებლის წარმომადგენლების ხელმოწერით.

2. მიმწოდებლის მხრიდან მიღება-ჩაბარების აქტზე ხელმოწერის უფლებამოსილება ენიჭება სააგენტოს არქიტექტურის სამსახურის უფროსს, ხოლო შემსყიდველი ორგანიზაციის მხრიდან შემსყიდველი ორგანიზაციის დირექტორის მ/შ - შორენა ღუდუშაური.

მუხლი 6. ანგარიშსწორების ფორმა, ვადები და ადგილი

1. ანგარიშსწორება ხორციელდება უნაღდო ანგარიშსწორების საშუალებით ეროვნულ ვალუტაში, წინამდებარე ხელშეკრულებით განსაზღვრულ საბანკო რეკვიზიტებზე გადარიცხვის გზით.
2. შემსყიდველი ორგანიზაციის მიერ ანგარიშსწორება განხორციელდება მიმწოდებლის მიერ საგადასახადო ანგარიშ-ფაქტურის გამოწერიდან 10 (ათი) საბანკო დღის ვადაში.
3. ანაზღაურების ადგილია - ქ.თბილისი.

მუხლი 7. მხარეთა უფლება-მოვალეობები

7.1 შემსყიდველს უფლება აქვს:

- 7.1.1 შეამოწმოს მიმწოდებლის მიერ მომსახურების ხარისხის შესაბამისობა ხელშეკრულებით გათვალისწინებულ პირობებთან.
- 7.1.2 მოსთხოვოს მიმწოდებელს ხელშეკრულებით ნაკისრი ვალდებულებების დროული და ჯეროვანი შესრულება.
- 7.1.3. მოსთხოვოს მიმწოდებელს საგადასახადო ანგარიშ-ფაქტურის გამოწერა.
- 7.1.4. ხელშეკრულებით გათვალისწინებული მომსახურების გაწევის შემდეგ, მოსთხოვოს მიმწოდებელს მომსახურების გაწევისათვის აუცილებელი, შემსყიდველი ორგანიზაციის მიერ გადაცემული დოკუმენტაციის უკან დაბრუნება.

7.2 შემსყიდველი ვალდებულია:

- 7.2.1 მიაწოდოს მიმწოდებელს მომსახურების გაწევისათვის აუცილებელი ინფორმაცია\დოკუმენტაცია.
- 7.2.2 მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად და დადგენილ ვადაში.

7.3 მიმწოდებელს უფლება აქვს:

- 7.3.1 მოსთხოვოს შემსყიდველს ხელშეკრულებით გათვალისწინებული მომსახურების გაწევისათვის აუცილებელი ინფორმაციის\დოკუმენტაციის მიწოდება.
- 7.3.2 მოსთხოვოს შემსყიდველს მომსახურების ღირებულების ანაზღაურება ხელშეკრულებით განსაზღვრული ოდენობითა და პირობების შესაბამისად.

7.4 მიმწოდებელი ვალდებულია:

- 7.4.1 გაუწიოს შემსყიდველს ხელშეკრულების პირობებით გათვალისწინებული მომსახურება, ხელშეკრულებით განსაზღვრული პირობების შესაბამისად.
- 7.4.2 დაიცვას ხელშეკრულების პირობები.
- 7.4.3 შემსყიდველი ორგანიზაციის მოთხოვნის შემთხვევაში, დაუბრუნოს მას მომსახურების გაწევისათვის აუცილებელი დოკუმენტაცია.

მუხლი 8. მხარეთა პასუხისმგებლობა ხელშეკრულების პირობების დარღვევისას

1. მხარეთა მიერ ხელშეკრულებით ნაკისრი ვალდებულებები უნდა შესრულდეს ჯეროვნად, კეთილსინდისიერად, ხელშეკრულებით დათქმულ დროსა და ადგილას. ხელშეკრულების პირობების დარღვევის შემთხვევაში, მხარეები პასუხს აგებენ წინამდებარე ხელშეკრულებისა და საქართველოს მოქმედი კანონმდებლობით დადგენილი წესის შესაბამისად.
2. ერთი მხარის მიერ ხელშეკრულების პირობების დარღვევის შემთხვევაში, მეორე მხარე უფლებამოსილია ვადაზე ადრე შეწყვიტოს ხელშეკრულება. ამასთან, ხელშეკრულებიდან

გასვლისას, მხარეს შეუძლია მოითხოვოს იმ ზიანის ანაზღაურება რაც მას მიადგა ხელშეკრულებით ნაკისრი ვალდებულებების შეუსრულებლობით.

3. ხელშეკრულებიდან გასვლასა და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

მუხლი 9. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2012 წლის 09 ივლისის ჩათვლით.

მუხლი 10. ხელშეკრულების პირობების გადასინჯვა, ცვლილებებისა და დამატებების შეტანის წესი

1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

2. ხელშეკრულების პირობების გადასინჯვა ხდება საქართველოს მოქმედი კანონმდებლობით დადგენილი წესის შესაბამისად.

3. ხელშეკრულებაში ცვლილებებისა და დამატებების შეტანა შესაძლებელია მხოლოდ წერილობითი ფორმით, მხარეთა ხელმოწერით დადასტურებული შეთანხმების გაფორმების გზით.

მუხლი 11. ფორს-მაჟორი

1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულებით ნაკისრი ვალდებულებების შესრულების ვადა გადაიწვეს შესაბამისი დროით, აღნიშნულ გარემოებათა დასრულების შემდეგ.

2. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

მუხლი 12. დავები და მათი გადაწყვეტის წესი

ხელშეკრულების შესრულებისას მხარეთა შორის წამოჭრილი დავები უნდა გადაწყდეს მხარეთა ურთიერთშეთანხმების გზით. შეთანხმების მიუღწევლობის შემთხვევაში, დავას განიხილავს სასამართლო, მოქმედი კანონმდებლობით დადგენილი წესის შესაბამისად.

მუხლი 13. ხელშეკრულების ინსპექტირების პირობები

1. შემსყიდველი უფლებამოსილია, შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

2. ხელშეკრულების ინსპექტირებას შემსყიდველის მხრიდან განახორციელებს შემსყიდველი ორგანიზაციის დირექტორის მ/შ - შორენა ლუდუშაური.

3. შემსყიდველის მიერ გაწეული მომსახურების შემოწმების შედეგად გამოვლენილი ნაკლის ან დეფექტის აღმოჩენის შემთხვევაში, მიმწოდებელი ვალდებულია გონივრულ ვადაში აღმოფხვრას ხარვეზები.

მუხლი 14. ხელშეკრულების სხვა პრობები

1. ხელშეკრულების არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე. მხარეები მესამე პირებთან ურთიერთობისას მოქმედებენ თავიანთი სახელით, ხარჯებითა და რისკით.
2. ხელშეკრულება შედგენილია 5 (ხუთი) თანაბარი იურიდიული ძალის მქონე ეგზემპლარად ქართულ ენაზე, რომელთაგან ორი რჩება შემსყიდველ ორგანიზაციას, ხოლო სამი ეგზემპლარი გადაეცემა მიმწოდებელს.

მხარეთა ხელმოწერები და რეკვიზიტები

შემსყიდველი:

სსიპ ქალაქ თბილისის N61 საჯარო სკოლა

მისამართი: ქ. თბილისი, ვ. დოლიძის ქ. N3

ტელ: 577 15 49 39

სკ 211351936

სს „ლიბერთი ბანკი“, ბანკის კოდი LBRTGE22 აა GE38LB0121116513118000

დირექტორის მ/შ

შორენა ღუდუშაური

(ხელმოწერა, ბეჭედი)



მიმწოდებელი:

სსიპ „საგანმანათლებლო და სამეცნიერო

ინფრასტრუქტურის განვითარების სააგენტო

მისამართი: ქ. თბილისი, ალექსიძის N1, შენობა-ნაგებობა N1, მე-2 სართული

ტელ: 220 02 20

სკ 202294980;

სს „ბანკი რესპუბლიკა“ კოდი REPLGE22, აა GE31BR0000010639353293

დირექტორის მოადილე

თეიმურაზ მაჩაიძე

(ხელმოწერა, ბეჭედი)



თბილისი 03.07.2012წ.

ჩვენ, ქვემოთ ხელისმომწერნი, ერთის მხრივ სსიპ "საგანმანათლებლო და სამეცნიერო ინფრასტრუქტურის განვითარების სააგენტო" (შემდგომში „მიმწოდებელი“) წარმოდგენილი სააგენტოს არქიტექტურის სამსახურის უფროსის ზურაბ ნიკოლაიშვილის სახით, ხოლო მეორეს მხრივ, ქ. თბილისის #61 საჯარო სკოლა (შემდგომში „შემსყიდველი“) წარმოდგენილი მისი დირექტორის შორენა ღუდუშაურის სახით, ვადგენთ ამ აქტს მასზედ, რომ მხარეთა შორის 2012 წლის 25 ივნისს გაფორმებული №28/12/02/67 ხელშეკრულების თანახმად „მიმწოდებელმა“ წარმოადგინა ქ. თბილისის #61 საჯარო სკოლის საპროექტო-სახარჯთაღრიცხვო დოკუმენტაცია 3 ეგზემპლარად. ჯამური ღირებულება შეადგენს 5341,95 ლარს (საქართველოს კანონმდებლობით გათვალისწინებული გადასახადის ჩათვლით).

მიღება-ჩაბარების აქტი შედგენილია ოთხ თანაბარი იურიდიული ძალის მქონე ეგზემპლარად.

მიღება-ჩაბარების აქტი სწორია, რაზედაც ვაწერთ ხელს.

„შემსყიდველი“

„მიმწოდებელი“

ქ. თბილისის #61 საჯარო სკოლა
დირექტორი

სსიპ საგანმანათლებლო და სამეცნიერო
ინფრასტრუქტურის განვითარების
სააგენტო არქიტექტურის სამსახურის
უფროსი

შორენა ღუდუშაური

ზურაბ ნიკოლაიშვილი

